

大日本史

十三

第二十六卷 本紀

仁明天皇下

第二十七卷 本紀

文德天皇

和書門	二〇
類	二五
號	三八
函	一三
架	一五
册	一〇

内閣文庫	
番號	和 20258
冊數	150 (13)
函號	138 105
架	册〇五
類	六五歴和



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak



大日本史卷之二十六

淺草文庫

本紀第二十六

權中納言從三位源光圀 修

男權中納言從三位綱條 校



玄孫權中納言從三位治保重校

仁明天皇下

八年辛酉春正月壬申朔以諒闇廢朝四日

乙亥延僧於清涼殿晝讀藥師經夜結界悔

過二月十三日甲寅以飢饉給復出羽百姓



大日本史 卷二十六 本紀
二萬餘人一年是月信濃地震三月壬申朔
禁春日神山樵獵二十八日己亥詔曰聖哲
凝範應天心以運行昊穹演鑒隨人事而通
感朕以寡昧祇膺寶圖虛己勵精日慎一日
而明信未孚咎徵斯應太宰府言肥後國阿
蘇郡神靈池無故涸減四十丈靜思厥咎朕
甚懼焉詢之著龜告以旱疫今欲因循往烈
則象前規施以德政防茲災眚宜每寺齋戒
共致薰修每社奉幣式祈靈祐天下烝民今

年雜徭縱雖事多莫過廿日鰥寡惇獨不能
自存者量加振濟凡厥國宰咸自策勉詳求
人瘼使無冤滯且太宰府者古來邊要之區
也宜修理陂池以便灌溉兼備不虞夏四月
辛丑朔日有食之二日壬寅敕神明之感非
信不通帝王之功非道何達宜令五畿內七
道諸國國司講師相共齋戒於部內諸寺轉
讀金剛般若經庶使紫宸增寶筭之長赤縣
絕夭折之患風雨調適年穀豐登三日癸卯

日赤如血、己巳晦、奉幣松尾、賀茂、乙訓、貴布禰、垂水、住吉、雨師神、祈雨、防風、五月三日壬申、遣參議正躬王於神功皇后山陵、禱國家平安、又遣使山科、柏原、二陵、謝崇、十二日辛巳、重遣參議和氣真綱於神功皇后山陵、是日雨、十四日癸未、讀經於八省院、以祈雨、是日又雨、二十日己丑、遣使奉幣八幡大神及香椎廟、敕五畿七道諸國、修理定額寺堂舍、莊嚴佛像、經論、六月庚子朔、敕頃者甘雨屢

降、苗稼滋茂、此則修善之功、時致感應、準去四月二日格旨、宜令內外諸道、迄于秋收、國司講師率國分僧、轉讀金剛般若經、以祈豐年、二十二日辛酉、遣使奉幣大神宮及賀茂御祖社、以禳池涸地震之災、秋七月五日癸酉、詔曰、上玄無私、運神功而下濟、至人忘己、推聖德而敷仁、是以四眚未入、舜貽沈首之憂、一物有違、禹發跖危之軫、朕膺丕命、祇守宗祧、詢萬機而停飡、睠民瘼而無寐、而惠化

罔孚。至道猶鬱。如聞伊豆國地震爲變。里落不完。人物損傷。或被壓沒。靈譴不虛。必應批政。瞻言往躅。內愧于懷。傳不云乎。民惟邦本。本固邦寧。朕之中襟。諒切字育。故今特發中使。就加慰撫。其民居散逸。生業亡失者。使人當與所在國吏。斟酌量除。當年租調。并開倉賑救。修葺屋宇。葬埋死亡。夫王化所覃。遐邇無隔。宜不論民夷。普施優恤。詳暢寬弘之愛。副朕推溝之懷。十五日癸未。震大極殿東樓。雨

雹。大如棊子。二十一日己丑。敕令五畿七道諸國。奠幣名神。以祈嘉穀。二十六日甲午。奉幣帛於大神宮。以祈豐年。八月十九日丙辰。以太宰府防人一百四口。克對馬島。丁卯晦。雨水。奠幣雨師。以祈晴。九月戊辰朔。京師洪水。漂流百姓。廬舍橋梁。壞山碕橋。冬十月四日庚午。天皇不豫。遣使誦經。都下七寺及平城七犬寺。翌日而瘳。二十七日癸巳。又不豫。二十九日乙未。卜不豫。有伐陵木之祟。乃遣

參議正躬王、右近衛中將藤原助等、禱於柏原山陵、十一月丁酉朔、日南至、公卿表賀、六日壬寅、彗星見西方、二十日丙辰、赦詔曰、賦象不忒、九玄施仁、與物為春、一人救世、故功高振古、軒昊之化、允諧事美、遐年勛華之業、逾峻、朕以寡昧、忝臨黎苗、撫事思憊、每深懷抱、迺者有司奏言、今年十一月朔旦冬至、當天統之嘉數、發無疆之丕基、歷駕說而希聞、佇上德而演貺、夫乾鑿玄遠、必感聖荃、自顧

菲虛、何入靈睭、思與天下共斯休祉、庶施愷澤於萌俗、答嘉貺於昊穹、十二月十七日壬午、以彗星屢見、讀大般若經於八省院三日、又令五畿七道諸國讀之、迄期禁殺生、十九日甲申、左大臣藤原緒嗣等上日本後紀、九日以下類、十二十一日丁亥、長門言、渤海來貢、九年壬戌、春正月三日戊戌、覲太上天皇於嵯峨院、二月三日戊辰、地震、二十九日甲午、又震、三月十一日丙午、敕比者春雨降少、枯

日以下類

聚國史 二十一日丁亥、長門言、渤海來貢、

九

旱日多、百姓輟耕、不能播種、宜準弘仁九年四月二十五日格、不問王臣田、有水之處、任令百姓耕作降種、遷種之後、各歸其主、神寺田宜同準此、又漑水養田、先賤後貴、但事權時、不得爲例、十五日庚戌、敕五畿七道諸國、讀經悔過於國分寺、限三日、夜禁止殺生、若有天行之處、國司到境祭疫神、共禱豐稔、是日遣使祈雨、貴布禰住吉垂水丹生川上等諸社、十六日辛亥、地震、恒統親王薨、二十二

日丁巳、遣使祈雨、松尾鴨御祖別雷乙訓等名神、是日雨、夏四月十一日乙亥、以修理內裏、遷御冷然院、五月二十七日庚申、敕五畿七道諸國及太宰府祭疫神、五月以下、六月五日戊辰、遣使奉幣大神宮、祈禳疫氣、十五日戊寅、地震、二十三日丙戌、大雨、秋七月三日乙未、以有崇、遣使奉幣筑前宗像神、竈門神、肥後健磐龍神等諸社、六日戊戌、奉幣貴布禰乙訓丹生川上雨師神社祈雨、是夕雨、

八日庚子以太上天皇不豫停相撲節十一日癸卯大納言橘氏公罷右近衛大將十一日以下公卿補任中納言藤原良房兼右近衛大將十四日丙午詔曰春生夏長聖皇流愷悌之恩含垢藏瑕哲后存寬大之令矧深仁所感神乃降於殊祥積德攸鍾天必貽於永福頃者太上天皇聖躬不豫秋景暉少仙雲色愁朕自苦熱病未陪嘗藥命徒御以備駕佇悶熱之有間而心事不諧晨昏推去恐臣子之道

有缺孝敬之至不申終日低頭通宵忘寢精誠之禱靡所不臻而幽明之扶猶有未應思憑作解之施冀致翌日之瘳可大赦天下常赦所不免咸赦除十五日丁未太上天皇崩準據遺詔停百官及五畿七道諸國司素服舉哀十六日戊申葬嵯峨天皇十七日己酉春宮坊帶刀伴健岑但馬權守橘逸勢等謀反發覺令六衛府固守宮門分遣右近衛少將藤原富士麻呂右馬助佐伯宮成捕之遣

使守山城五道十八日庚戌冷然院松樹自折十九日辛亥釋囚徒左京工町災先是卜旱有祟命神祇伯大中臣淵魚祈禱伊勢八幡二十日壬子轉讀大般若經於大極殿三日以祈雨是日賜錢左京遭火百姓二十一日癸丑雨須臾而晴讀經延限二十三日乙卯詔廢皇太子奪大納言藤原愛發職安置京外貶中納言藤原吉野太宰權帥參議兼春宮大夫文室秋津出雲負外守二十四日

丙辰遣參議朝野鹿取等於嵯峨山陵告廢太子遣使賑贍京師二十八日庚申流橘逸勢於伊豆伴健岑於隱岐八月壬戌朔公卿表請立太子不聽四日乙丑公卿重上表請立太子是日詔立皇子道康親王為皇太子以右大臣源常為傅十一日壬申奉幣大神宮祈稼穡豐稔十一日以下類聚國史○本書壬申作壬辰今推干支訂之十四日乙亥地震二十七日戊子詔曰百城煙峙振綱紀者歸乎牧千里風行班章條

者待乎宰、是以懸衡御弁、握鏡臨圖、欲廣雍
熙之功、必資循良之吏、朕以虛寡、懋惟帝績、
割珪符以責成、分憂之職、攸憑、紆銅墨以推
最、求瘼之寄、斯在、而朝章難副、國憲易纏、躬
不率正、私顧之謗、滋興、職乖恪居、公方之節
已墜、單父之民、未感絃歌、清河之吏、屢陷徽
纒、劾狀盈閣、已洽、斷文載車、不勝、近緣大行
天皇聖躬不豫、敷暢鴻恩、洗滌塵穢、而有司
執奏不在赦限、朕悲夫春枯之樹、雷蟄之蟲、

或身歸農野、撫華髮而惕慮、或志在名節、望
榮路而絕思、此之可愍、畜于素懷、宜令承和
九年八月二十七日以前外吏秩滿未得解
由者、已言上未言上、咸悉原免、承和二年以
往雜米雜穀、及五年以往雜交易等、並皆停
之、莫責輸貢、朕聞於舊事、訪之遺塵、恩雖無
涯、赦亦有限、而今日之所行、先王可不放、既
不依祖業、豈須貽孫謀、後代之論者、亦將知
乎此、誠念欲令一躡之驥、更展足於長途、
文詔

據類聚 九月五日丙申、敕令相模武藏常陸
國史 上野下野陸奥等國寫進三史、二十七日戊
午、冷然院大垣西北角無故頽壞二許丈、冬
十月十四日甲戌、敕令左右京職東西悲田
焚歛島田鴨河原等鬮體、二十二日壬午、彈
正尹阿保親王薨、二十三日癸未、充義倉物
於悲田、令收葬鴨河鬮體、十一月辛卯朔、天
皇不豫、十四日甲辰、地震、十七日丁未、還御
內裡、二十一日辛亥、西南有雷聲、十二月五

日乙丑、始御紫宸殿、十二日壬申、地震、十五
日乙亥、西南有雷聲、二十日庚辰、詔遣參議
滋野貞主、奉神寶弓劔等於盾列山池上陵、
祈國家平安、
十年癸亥、春正月庚寅朔、以諒闇廢朝、十八
日丁未、左大臣藤原緒嗣致仕、二月庚申朔、
日有食之、三月二十五日甲寅、發義倉物、賑
給東西悲田病者、及貧窮者、夏四月己未朔、
盾列陵守等言、去月十八日、山陵鳴聲如雷、

有赤氣南行、晡時又鳴、赤氣西行、二十一日
己卯、使參議藤原助、掃部頭坂上正野等、謝
盾列北南二山陵、五月己丑朔、日赤無光、八
日丙申、讀藥師經於清涼殿、修藥師法於常
寧殿、轉大般若經於大極殿、以鎮內裡怪并
天變、限以三日、諸司醋食、兼禁殺生、十三日
辛丑、地震、二十六日甲寅、置萬花會、萬燈會
於元興寺、立為恒例、六月戊午朔、令正六位
上菅野高年、讀日本紀於內史局、是月伊賀

尾張參河武藏安房上總下總近江上野陸
奧越前加賀丹後因幡伯耆出雲伊豫周防
飢賑恤之、秋七月二十三日庚戌、前左大臣
藤原緒嗣薨、丙辰晦、百官即吉、八月七日癸
亥、遣使奉幣帛於大神宮、八日甲子、信濃言
瑞雲見、二十二日戊寅、太宰府奏對馬島防
人等言、從去正月迄于今月、遙有鼓聲、正當
新羅國地方、每日三響、黃昏火見、敕曰、夫不
忘亡亂、古人明戒、將驕卒惰、兵機所忌、縱無

事故不可不慎、又以太宰府請、復筑紫防人、二十四日庚辰、轉讀大般若經於大極殿、修法於真言院五日、以禳怪異、諸司潔齋、九月二十一日丙午、宴紫宸殿、二十九日甲寅、賑給肥前豐後薩摩壹岐對馬飢、冬十月十八日癸酉、遣使奉幣香椎廟、禱國家太平、是日詔復三位以上食封、十一月九日癸巳、地震、十二日丙申、遣參議正躬王、奉幣帛於賀茂神社、祈國家昌泰、十二月二十二日丙子、從

五位上文室宮田麻呂謀反發覺、諸門戒嚴、癸未晦、流宮田麻呂於伊豆、

十一年甲子、春正月甲申朔、以大雪廢朝、三日丙戌、觀大皇太后於冷然院、二月甲寅朔、日有食之、九日壬戌、行幸水成瀨野、二十五日戊寅、行幸交野、三月二十六日己酉、觀大皇太后於冷然院、夏五月十六日戊戌、賑越前飢、六月四日丙辰、賑若狹飢、七日己未、太宰府獻白鳥、秋七月二日癸未、以右大臣源

常為左大臣、大納言橘氏公為右大臣、十二日癸巳、轉讀大般若經於八省院祈雨、閏月七日戊午、御仁壽殿、觀林邑樂、二十一日壬申、奉幣大神宮、祈防風雨災、八月十三日癸巳、行幸北野、九月十日庚申、白虹見於外記、曹司廳前、冬十月六日乙酉、遣使奉幣大神宮、十八日丁酉、行幸水沼野及芹河、○乙酉二條、本書係十一月、今推干支、十一月己酉朔、無乙酉、丁酉、據類聚國史、日本紀略訂之、十一月二十九日丁丑、行幸水成瀨野、

十二年乙丑、春正月戊申朔、以大雪廢朝、二月十四日辛卯、行幸水成瀨野、二十五日壬寅、遊獵河陽、三月六日壬子、以禁中有怪、轉讀大般若經、及修陀羅尼法者五日、夏四月二十七日癸卯、奉幣畿內名神祈雨、五月丁未朔、轉讀大般若經於大極殿、七日、以祈雨、五日辛亥、停節、六日壬子、大雨、十二日戊午、天皇不豫、誦經七寺、十六日壬戌、瘳、秋七月丙午朔、日有食之、二十七日壬申、遣使奉幣

大神宮祈晴二十八日癸酉賑山城飢八月

四日戊寅地震二十五日己亥又震二十日以下

類聚國史九月二十一日乙丑暴雨大風二十六

日庚午讀經於紫宸殿日本略冬十月十四日

戊子不豫類聚國史

十三年丙寅春正月三日乙巳觀大皇太后

於冷然院二月二十七日戊戌地震三月九

日庚戌敕五畿內諸國甄錄所在皇胤十九

日庚申大和言山邊郡長屋鄉牛產三足犢

夏五月十三日癸丑讀經於八省院三日以

祈雨己巳晦賑出羽飢秋八月十七日丙戌

慶延曆寺定心院冬十月二十七日乙未敕

天下修佛名懺悔立為恒式十二月十一日

戊寅西大寺講堂火

十四年丁卯春正月戊戌朔以大雪廢朝三

日庚子觀大皇太后於冷然院二月十日丙

子赦流人六十二人入京三月十一日丙午

轉讀大般若經於清涼殿修真言法於常寧

殿己卯奉幣大神宮○按是月無己卯蓋乙卯之訛乙卯二十日也

閏月○本書脫閏月二日今據曆法補之四日己巳天鳴餘響

殷殷數刻而止十三日戊寅有鳥億萬繞日

上下自日中至黃昏十五日庚辰集八百僧

於城中講仁王經以祈國家昇平是月數有

羣鳥遲明蔽天東飛夏四月六日庚子行幸

神泉苑五月十一日乙亥先是天皇受莊子

於文章博士春澄善繩是日設竟宴於清涼

殿二十七日辛卯召春澄善繩於清涼殿讀

漢書六月三日丙申大風雨發屋折木四日

丁酉遣使奉幣松尾社祈之甲戌○按是月無甲戌蓋

甲辰之訛甲辰十一日也常陸女子一產三子賜稻三百

束二十一日甲寅以左相撲司伐葛野郡槻

樹作大鼓神為之祟奉幣及鼓於松尾社謝

之秋七月二十三日丙戌奉幣馬於丹生川

上神社祈晴八月十七日己酉遠江女子一

產三子賜稻三百束九月十八日庚辰入唐

僧慧雲獻孔雀鸚鵡狗冬十月十九日辛亥

授雙丘東墳從五位下、每遊獵駐蹕於此、以四望、故爵之、二十日壬子、行幸雙丘大池、放鷹、十一月九日辛未、天北有聲如雷、十七日己卯、遣使京畿大寺三十六所、誦經修福、二十日壬午、有大流星東行、十二月十九日庚戌、右大臣橘氏公薨、

嘉祥元年戊辰、春正月四日乙丑、令七道諸國貢身長六尺己上者、十日辛未、以大納言藤原良房爲右大臣、二十日辛巳、行幸神泉

苑、放隼、庚寅晦、有狂夫將闕入陰明門、門衛捕之、二月十日庚子、上總馳傳奏、俘囚九子、廻毛等叛、敕相模上總下總等五國討之、十二日壬寅、上總奏、斬獲俘囚五十七人、二十一日壬子、地震聲如雷、二十六日丙辰、天皇不豫、三月八日丁卯、地頻震、十三日壬申、賑伊豆淡路飢、二十一日庚辰、依前相模介橘永範請、置救急院於相模、廿一日己下、二十八日丁亥、地震、夏四月三日壬辰、又震、五日

甲午、行幸神泉苑及北野、十五日甲辰、遣内
豎七人誦經諸寺、十七日丙午、行幸冷然院、
五月己未朔、日有食之、六日甲子、四品良貞
親王薨、七日乙丑、天皇不豫、頒使七寺、同時
誦經、十日戊辰、御武德殿、閱武藝、二十二日
庚辰、避暑冷泉院、是日地震、壬申、
蓋壬午之訛、壬午二十四日也、然
日本紀略亦作壬申、故不輒改、太宰府獻
白龜、六月二日己丑、奉幣雨師神社、以祈晴、
三日庚寅、賑越中飢、是日、公卿上表、賀白龜


瑞、五日壬辰、敕曰、靈心演貺、佇休曆而必臻、
神道効禎、在至仁而斯感、是以遊蓮瑞質、表
昌化於堯壇、戲藻奇姿、契禎期於軒浦、朕嗣
膺寶曆、恭纂瑤圖、道謝雁行、風慙雉飲、宵衣
禹室、空慙納阮之心、盱食堯宮、未致可封之
化、而今卿等表賀如斯、朕之菲虛、何以克任、
况復神無常祐、惟德是依、瑞無常臻、因化呈
象、故寶祚之慶、在道不在神、天下之平、惟人
不惟瑞、但使内富駟虞之相、非求水伯之榮

光朝盈鴻漸之英，何用波臣之耀彩。卿等宜
叶濟匡，以助薰風。嘉祥之美，情所未恃。八日
乙未，公卿重表賀。式部省及僧綱等亦上表
賀。十日丁酉，敕奉幣天下名神，豫防淫雨。十
三日庚子，改元。詔曰：玄枵丹軸，通上靈以凝
禎祥。津伯鱗宗，暢潛貺以發祺祉。名爲巨瑞，
千載而稀。一遭謂爲四靈，百王之所同貴。近
者太宰府所管豐之後國，大分郡擬少領膳
伴公家吉，獲白龜於寒川石上獻之。公卿上

表，證據圖牒，實合大瑞。朕自君臨赤縣，子愛
蒼旻，勞疋體於萬機，空成厝腊，而被薰腴於
億兆，遂慙勛華，何以副上玄之神契。應幽贊
之冥符，故抑而不宣。敕止慶賀，而重表慇懃。
朕不忍閉拒，反覆念之。昔王仲任貶儒言，以
爲隘，猶謂麟鳳之類難萃。唐太宗嫌瑞物，以
爲謙，仍令龜龍之流依舊。况皇天之意，唯欲
愛人，介福之臻，豈獨在予。當是上賴宗祧之
冥祐，下緣台輔之懇誠，使蠢蠢含生，同驥首

於壽域、茫茫率土、共開懷於仁風、其改承和
十五年為嘉祥元年、大赦天下、但常赦所不
免者、不在赦限、令天下無輸今年田租之半、
又復徭役十日、大分之郡、嘉瑞攸出、全免今
年田租、二十四日辛亥、地震、是日、天皇不豫、
誦經諸寺、二十五日壬子、地又震、二十七日
甲寅、天皇疾瘳、秋七月二日己未、奉幣松尾
賀茂、貴布禰雨師社、六日癸亥、轉讀大般若
經於八省院、祈雨、七日甲子、颯風起自春興

殿、轉至右近衛陣、簸揚炬屋、十七日甲戌、奠
幣天下神祇、告白龜瑞、十九日丙子、遣公卿
告瑞於十二陵、二十六日癸未、棲鳳樓閣道
有骸骨、二十八日乙酉、賑出雲飢、丙戌晦、震
于東西二京、凡十一所、八月五日辛卯、大雨
洪水、人畜漂損、六日壬辰、遣使巡察京中被
水害者、齎米鹽賑恤之、八日甲午、遣使攝津
河內、巡察水害、開便近倉庫賑給之、十八日
甲辰、紀伊言、牛產三犢、九月己亥、
○按是月無己亥、蓋



乙亥之訛也乙亥十九日也、鑄新錢、是日遣左中辨藤原嗣

宗等、築茨田隄、冬十月五日辛卯行幸神泉

苑、七日癸巳地震、十日丙申御内裏射場、賜

錢有差、十四日庚子、天皇不豫、誦經七寺、二

十日丙午地震、二十二日戊申、○本書作戊午、今據類聚

國史、日本紀略訂之行幸神泉苑、遊獵北野、二十六日

壬子、行幸雙岳放隼、十二月二日丁亥地震、

四日己丑、刑部少輔和氣齊之坐不敬、流於

伊豆、乙卯晦、大判事讚岐永直流於土左、是

歲、渤海來貢、

二年己巳、春正月丙辰朔、以去年天下洪水、

秋稼不稔、廢朝、五月五日己未、行幸水生瀨

野、十日甲子、地震、十四日戊辰、天皇不豫、誦

經諸寺、十九日癸酉、宴公卿及近習於内殿、

賜衣被、二十一日乙亥、○本書作乙丑、今行據類聚國史訂之

幸雙岳、廻幸冷然院、觀魚、夏四月五日戊子、

敕定諸國穀價、十日癸巳、隕霜、十三日丙申、


地震、五月甲寅朔、日有食之、十五日戊辰、講

金光明經於清涼殿三日、二十五日戊寅、行
幸神泉苑、公卿集美福門、終日宴樂、六月癸
未朔、以霖雨、遣使巡檢京城、飢民開倉廩以
賑恤、丙子、○按是月無丙子、蓋丙午天皇不
豫、誦經諸寺、秋七月四日乙卯、地震、十九日
庚午、又震、冬十月二十六日丙午、敕聽非人
逸勢男龍劔實山等入京、十一月二十二日
壬申、皇太子表賀天皇四十筭、獻奇翫珍
羞水陸雜物、天皇御紫宸殿、宴樂終日、十二

月十三日壬辰、太宰府驛奏、豐後權守登美
直名謀叛、閏月十日己未、車駕巡省京城、賑
給貧窮者、至囚獄司、詔免罪人、羣臣皆呼萬
歲、二十一日庚午、公卿已下飲宴於侍從所、
賜物有差、先是紀伊守伴龍男與國造紀高
繼有隙、發兵捕高繼、敕勘龍男罪、
三年庚午、春正月庚辰朔、以雨廢朝、三日壬
午、地震、四日癸未、覲大皇太后於冷然院、六
日乙酉、天皇不豫、十六日乙未、垂簾觀蹈歌、

二十日己亥、內宴不御仁壽殿、更御清涼殿、垂簾觀舞妓、二十三日壬寅、地震、二十六日乙巳、敕左右京職五畿內諸國司、搜捕盜賊、二十七日丙午、敕五畿七道諸國、修灌頂經法、以禳疫癘、己酉、晦、有流星、竟天墜東、大如月、色赤青、二月庚戌朔、天皇不豫、三日壬子、○本書作壬午、今據日本紀略訂之、分遣六衛府佐已下、捕京師羣盜、令左右近衛各十人、巡檢東西五日、甲寅、大漸、召皇太子及大臣於牀下、受遺制、

遣使誦經諸寺、奉馬於鴨松尾等名神、放鷹犬籠鳥、修延命法於梵釋寺、又造續命幡、懸十二大寺刹、召僧加持、是日、諸衛府警固、七日丙辰、遣參議藤原助、右馬頭藤原春津等、於柏原山陵、禱疾、九日戊午、分遣內豎、誦經諸寺、十日己未、遣使賑恤京師貧民、十三日壬戌、誦經七寺、十五日甲子、轉讀大般若經、於紫宸殿三日、又修文殊八字法於仁壽殿、二十一日庚午、地震、二十二日辛未、召僧實



敬明詮光定圓鏡等於清涼殿講論法華經
三日、天皇隔簾聽之、二十七日丙子、遣使誦
經京城及平城四十九寺、懸續命幡四十旒、
修延命法三日、又命真言僧徒、修護摩法於
豐樂院、三月五日癸未、地震、轉讀大般若經
於紫宸殿三日、八日丙戌、遣使誦經京畿及
近江丹波等一百寺、圖畫帝釋像一百鋪、安
置各寺、十日戊子、遣使誦經京城七寺、十一
日己丑、受永不殺生戒於僧道詮等、修理破

壞寺院一百所、遣使誦經十三大寺、十二日
庚寅、鈴印櫃鳴、十四日壬辰、遣參議藤原助
宮內大輔房世王等於柏原山陵、禱疾謝祟、
十六日甲午、天皇彌留、左右檢非違使獄囚、
除盜之外、悉從放免、十七日乙未、馳使誦經
諸寺、十八日丙申、聽流人和氣齊之、讚岐永
直入京、免豐後權守登美直名、紀伊守伴龍
男等罪、十九日丁酉、修七佛藥師法於清涼
殿、懸七佛像於簾前、立七重輪燈於庭中、度

僧十人於紫宸殿南庭、先是有詔度五百人、是日、天皇落飾受戒、二十一日己亥、地震、是日、天皇崩於清涼殿、年四十一、葬於紀伊郡深草山陵、謚曰仁明天皇、世稱深草帝、世稱以下、愚管鈔、神皇正統記、置國忌齋於東寺、江家次第遺制薄葬、以帛布代綾羅、停鼓吹方相、天皇叡哲聰明、包綜衆藝、最耽經史、講誦不倦、諸子百家之書、莫不通覽、兼愛文藻、精辨漢音清濁、工射善書、淳和帝工草書、天皇妙得其法、人不能

別也、常留意醫術、嘗從容謂侍臣曰、朕年甫七歲、得腹結病、尋患頭風、加元服後、又患胸痛、如錐刺刀割、於是服七氣丸、紫苑生薑等湯、不効、冷泉聖皇誨朕、餌金液丹、遂得効驗、而謂石毒急發、則恐難制、故別服救解之藥、及今熱發多變、危篤不救、而此是朕本病、而數亦至矣、世人不知、必謂朕妄餌丹藥、又服救解之藥、自取敗也、故今為卿等言之、庶免後世之謗、天皇從少小疴羸、然春秋踰四十、

蓋由服食輔養之力者歟。

...

大日本史卷之二十六終

權中納言從三位源光圀 修

男權中納言從三位綱條 校

玄孫權中納言從三位治保重校

文德天皇

文德天皇諱道康仁明帝長子也母曰皇太

后藤原氏天長四年八月生

生年據大鏡一代要記○皇代

記五月初為親王十年七月朝覲時七歲動止

端審有若成人觀者異之承和九年二月加

元服於仁壽殿及皇太子恒貞廢立為皇太

子續日本後紀嘉祥三年三月二十一日己亥仁

明帝大漸遺詔皇太子柩前即位既而帝崩

皇太子退御宜陽殿東庭休廬左右近衛少

將各一人率近衛等陣於休廬左右近衛以下續日本後

紀按休廬續日本後紀作皇太子直曹蓋直

曹在宜陽殿庭或稱休廬其實則一故從土

文左右大臣率諸卿及少納言左右近衛少

將等獻神璽寶劍符節鈴印等○左右大臣

日本後紀作參議左兵衛督藤原助率左右近衛少將將曹等即日駕輦車

移御東宮雅院二十五日癸卯葬仁明天皇

二十七日乙巳暴風雷雨嵯峨山陵樹倒遣

中納言安倍安仁檢之是日公卿上言施事

天下猶稱令旨恐於視聽有所疑請改令為

敕不許四月二日己酉太宰帥葛井親王薨

三日庚戌公卿上表勸進即位至是凡三許

之六日癸丑天皇公除百官吉服是日地震

十五日壬戌地震十七日甲子天皇即位於

大極殿時年二十四年據歷代皇紀愚管鈔皇代記及本書崩年三

十二文左大臣兼左近衛大將源常右大臣兼

右近衛大將藤原良房並如故公卿尊所生補任

女御藤原氏為皇太夫人授羣臣位各有差

十八日乙丑宣詔内外曰易月之制雖據舊

章臣子之道須存志喪宜命有司暮年之内

禁宴飲作樂及著美服二十二日己巳詔放

還佐度流人金刺福貴滿是月天寒五月二

日己卯大風折木四日辛巳太皇太后橘氏

崩五日壬午葬嵯峨皇后九日丙戌轉讀大

般若經於大極殿三日以祈雨十一日戊子

雨水十三日庚寅轉讀大般若經於東宮及

中宮三日二十一日戊戌石見言甘露降二

十六日癸卯雨雹大如鴨卵六月三日己酉

震於西寺刹柱十一日丁巳美作獻白龜二

十日丙寅有流星頭尾轉行秋七月二日丁

丑賑左右京貧窮者五日庚辰轉讀大般若

經於大極殿以祈穀備前獻白龜九日甲申

以皇女晏子內親王爲齋宮、慧子內親王爲齋院、以從四位下藤原古子、東子女王、藤原年子、藤原多賀幾子、藤原是子、並爲女御。十日乙酉、石見獻甘露。二十四日己亥、大雨、壞大極殿前龍尾道十二丈。八月十一日丙辰、公卿上表、賀白龜甘露之瑞。天皇謙讓不當。十九日甲子、羣臣又奏賀。敕曰、朕躬在大喪、事委冢宰、德未動近、化何覃幽、而今白龜甘露之祥、並至、卿等表賀、朕之菲虛、自知不堪。

夫無災而憂、著自前蹟、恃瑞而凶、非無往鑒。陳賀之言、非所欲聽。二十一日丙寅、公卿重表請賀瑞、許之。二十三日戊辰、遣使奉寶劔、明鏡、名香、綵帛於八幡宮及香椎廟。二十四日己巳、天南有聲如雷。二十六日辛未、地震。九月乙亥朔、日有食之。八日壬午、右京人獲白龜於攝津島上郡、獻之。十四日戊子、遣參議藤原助於賀茂社、奉神寶、禱國家平安。十五日己丑、遣使春日社、加神位、奉神寶、以禱。

平安詔曰、乾監不測、隨皇化而効靈、神理非遙、應人事而通感、是以恩有所漸、龜龍不秘、幽贊之符、德有相覃、雲露豫彰、昇平之瑞、朕上遵遺制、下酌羣言、辭不獲免、遂踐皇極、然猶集蓼之痛、彌切擠壑之慮、未申譬涉大川、罔知攸濟、卽知天上甘露之淵、未必爲朕而灑、水中神蔡之智、豈能賴朕而浮、故斷尚書之章、不聽羣臣之賀、而今攝津畿服之地、獲神龜而獻之、僉謂不世之鴻符、難得而廢矣、

朕重違敦請、再三念之、得非百神七廟之潛祐萬民、三槐九棘之緝熙庶績之所致哉、有司其擇吉日、告於宗社、夫封壇馬齒、獻瑞不恒、天貺攸降、理須優異、宜特令攝津島上郡、勿輸今年之調、美作英多郡、石見安農郡、備前盤梨郡、並免當年庸、獲龜人村主岑成等、敘從六位上、賜物準例、天下祝部各免其租、又五畿七道諸國、承和六年以往調庸未進、咸從免除、二十一日乙未、遣使奉幣攝津住

吉社賽宿禱二十三日丁酉以七月大水山
崎橋壞敕遣中納言安倍安仁源弘參議滋
野貞主伴善男等造橋便所冬十月十六日
庚申出羽言地大震山崩谷湮壓死者多二
十日甲子遣使園韓神社紀伊日前國懸伊
太祈曾社奉神寶位階賽宿禱十一月二十
三日丙申詔曰紫極高映運亭毒而不言黃
屋尊居播惠愛而無恃故勛華繼躅未隔於
勤勞禹履垂風猶同於含育朕忝奉先訓虔

撫令圖飡荼蓼以銷神睠烝庶以剡思而今
至誠不暢小信未孚陰德懋和柔祗告譴出
羽州壤偏應銅龍之機邊府黎眈空被梟禽
之害邑居震蕩蹈厚載而不安城柵傾頽想
艱虞而益恐咸須子視或至於死傷獨作母
臨何懈於拯救宜馳星使就展恩光其被災
尤甚不能自存使國司商量蠲免租調并不
問民狄開倉廩貸振其生業莫使重困崩墻
毀屋之下所有殘屍露骸官為收埋務申優

恤庶俾委凍者知挾纊之温阻飢者得廩牢
 之飽二十五日戊戌立皇子惟仁親王為皇
 太子以大納言源信為傅十二月十四日丁
 巳雷雷仁壽元年辛未春正月甲戌朔以諒闇不受
 朝十二日乙酉地震癸卯晦有流星大如斗
 二月二日乙巳地震十三日丙辰以清涼殿
 為仁明帝燕寢不忍御轉其材造嘉祥寺佛
 堂三月癸酉朔日有食之十五日丁亥地震

夏四月四日丙午地震八日庚戌天皇始御
 紫宸殿二十五日丁卯召從四位下春澄善
 繩於北殿講文選二十八日庚午改元詔曰
 體元居正陽秋之格言去故成新易象之玄
 訓是以皇流異派帝寶分暉莫不改正朔以
 垂風變徽章以演化者也朕以不敏嗣奉鴻
 基諒陰之禮已終惻怛之情獨切但逾年以
 後日月推移不率舊章恐招新議去年即位
 之初頻得白龜甘露之瑞朕之不德推而不

居而聽於公卿告之宗廟方今純陽布德萬物成文宜顧靈應於往時變年紀於今日其改嘉祥四年為仁壽元年辛未晦地震五月八日己卯雨水九日庚辰遣使丹生川上社祈晴賑給左右京不能自存者十一日壬午地震二十四日乙未又震六月三日甲辰遣使伊勢賀茂松尾乙訓等社以祈晴四日乙巳天晴五日丙午分遣使者畿內賑遭水者秋七月八日戊寅地震二十二日壬辰夜有

物墜殿前如火光八月庚子朔延百餘僧於大極殿讀大般若經以祈穀二日辛丑河內獻嘉禾十日己酉大雨水十日以下日本紀略式部省獻異鳥雛敕放之十四日癸丑以比年大水壞民廬舍詔免左右京及五畿內今年調被害甚者量加賑恤十五日甲寅遣左右檢非違使廩給京師被水害者二十四日癸亥駿河獻瑞草紫葉朱莖九月庚午朔日有食之九日戊寅以水災停節冬十月五日癸卯地

大日本史 卷二十一 本紀

震十一日己酉遣使奉幣香椎八幡宮十三日辛亥地震二十六日甲子御禊戌辰晦大祓朱雀門十一月六日甲戌日中有黑子大如李二十一日己丑地震二十三日辛卯大嘗十二月八日乙巳遣使奉幣大神宮十五日壬子遣使賑伯耆飢民出雲飯石仁多兩郡百姓給復一年二十五日壬戌遠江城飼郡百姓給復一年是歲冬温

二年壬申春正月三日庚午天皇觀中宮於

冷然院羣臣扈從者賜宴於東釣臺恩賚有

差十二日己卯諸衛府獻殿杖○按獻卯杖始于此

三年然不書為恒式而是年以後往往見據內裡式弘仁以來既為定式故此後不書

二月三日庚子地震十九日丙辰播磨言紫

雲見二十日丁巳彗星見西方二十一日戊

午太宰少貳橘高宗獻白鼠三月丁卯朔日

有食之六日壬申賜左右近衛官人己下見

直者物賑給京師尤貧者七日癸酉近江獻

椒魚八日甲戌遣使賑給播磨飢民十一日

大日本史 卷二十一
本紀
九
丁丑詔諸大寺每年起四月一日迄八月三十日讀大般若經禳水旱永以為式十二日戊寅地震十三日己卯敕洪範八政食居第一食貨志又云國無粟而可治者自古未之聞然則王政之要生民之本唯在務農頃年諸國所告不堪佃其數居多是由國郡官司不勤地利不重民命之所致矣甚非所以選擇良吏委付黎元之意也凡治田克勤則畝益三斗少惰則損亦如是其種而少惰所損

尚然况廢而不耕其費更甚一畝之田可食一戶一畝不耕一戶受飢既多不耕之地何少受飢之人古者州郡官長春出行田若有不耕課而田之獲者公私半之古人至重地利如此宜下諸道令曉此情國郡司等躬自巡視修固池堰催勸耕農力者褒而錄之懈者督而趣之類聚三代以下十五日辛巳賑給河內若狹因幡飢民夏四月八日甲辰遣使奉幣天下名神十八日甲寅地震五月五日

辛未、停騎射走馬、二十七日癸巳、大和言、紫雲見、是日、京師甘露降、大和越前加賀但馬因幡伯耆隱岐播磨長門並言、甘露降、六月三日戊戌、地震、十三日戊申、遣使賑土佐飢民、秋七月十日乙亥、遣使奉幣賀茂松尾稻荷貴布禰等名神祈雨、十三日戊寅、免遠江城飼郡貢賦、十九日甲申、給復肥前豐後貧民一萬六千餘口、二十七日壬辰、六位以上借官物而身沒者、盡從恩免、二十八日癸巳、

風雨傷禾稼、八月乙未朔、奉幣大神宮、祈止風雨、十九日癸丑、遣使奉幣比宮、二十五日己未、淡路言、有牛產兩頭犢、癸亥晦、地震、閏月甲子朔、日有食之、十二日乙亥、大風發屋拔木、十六日己卯、以廩院米賑京師被風災者、二十二日乙酉、地震、二十七日庚寅、大雨、二十九日壬辰、分遣使者、奉幣賀茂松尾等社祈晴、九月八日辛丑、地震、九日壬寅、重陽節不御殿、冬十月五日丁卯、地震、遣使奉

幣天下諸神、賽宿禱、十八日庚辰地震、有聲如雷、十一月七日己亥地震、十二日甲辰遣使奉幣丹波麻氣社、十二月二十六日丁亥、敕五畿七道諸國、讀金剛般若經、以禳疫氣、三年癸酉春正月十三日甲辰地震、十五日丙午又震、十五以下、十七日戊申停大射、十八日己酉停賭射、本書脫停字、今據類聚國史、日本紀略補之、二月二十日庚辰天皇移自東宮御梨下院、制曰朕薰腴未施、化迹仍疎、恐黎氓之不親、

望列辟以慙德、而今所生男女皆當享封爵之重、疏湯沐之用、思其煩費、內以忸怩、竊思皇祖貽厥之謀、除親王之號、賜朝臣之姓、奕代相沿、已為成式、誠宜陶聖風而長扇、共源氏而混流、但前號親王、不在此限、同母後產亦復一例、慶雲之惠、既無愛憎、若樹之華、更有濃淡、蓋以域中大寶、在屈己以利人、天下至公、欲損上以益下、普告中外、咸俾聞知、庚寅晦、行幸冷然院、遂幸右大臣藤原良房第、

覽櫻花。是月，京師畿外炮瘡流行，死者衆。三月十八日戊申，地震。二十二日壬子，延一百僧於大極殿，轉讀大般若經三日，以禳災疫。二十七日丁巳，以穀倉院糶鹽給京師患炮瘡者。夏四月二日壬戌，地震。十日庚午，遣使大神宮禳災疫。十八日戊寅，成康親王薨。二十五日乙酉，以炮瘡流行，人民疫死，停賀。茂祭，遣使告謝之。二十六日丙戌，詔曰：皇王建極，布政貴其順時，聖哲凝規，宣風欲其應節。

故能裁成庶物，覆燾之德，克隆光宅，八埏全濟之功，斯遠。朕以寡德，忝統鴻基，旰日勿休，乙夜忘寢，非貪四海之富，非念九重之尊，只欲導仁壽，以真羣生，息勞役，以安萬姓，而誠款未申，咎徵斯應。炮瘡之疫流行，札瘥之嗟競起，當春夏陽和之時，草木皆有以榮，而吾百姓疾病，或陷於死亡，朕之不德，撫育乖方，憂惕之誠，罔知所濟。月令春夏下寬大之令，頒德化之政，以順天常，以救災變，有司務修

職任、欽奉時訓、罪疑從輕、賞疑從重、貴埋胔、
掩骸之仁、崇養老矜孤之德、可天赦天下、但
常赦所不免者、不在赦限、令天下州郡勿輸
承和十年以往、調庸未進、優復百姓、息當年
徭十日、其疾病者、長吏躬自巡視、量給鑿藥、
庶隱恤之旨、致感革於上玄、仁貸之風、蠲凶
札於中壤、五月四日癸巳、詔相模上總下總
常陸上野陸奥、分寫大藏經以進、五日甲午、
以災疫停騎射走馬、十一日庚子、詔十七寺、

讀大般若經三日、以禳災疫、十三日壬寅、詔
太宰府、讀大般若經於觀音彌勒兩寺、四王
院、香椎廟、管内國分寺、十四日癸卯、詔武藏
信濃、寫大藏經各一部、二十一日庚戌、太宰
府上言、壹岐島女子一產三子、賜正稅稻三
百束、二十二日辛亥、詔美濃出穀二千一百
斛、給患炮瘡者、六月四日癸亥、太宰帥葛原
親王薨、秋七月四日癸巳、地震、十五日甲辰、
又震、十八日丁未、遣使奉幣大神宮、以禳災

疹、二十二日辛亥地震、八月己未朔、西京失
 火、延燒百八十餘家、十日戊辰、給復伯耆百
 姓一年、二十四日壬午地震、九月戊子朔、大
 風發、屋拔木、九日丙申、以災不御南殿、徹樂、
 十四日辛丑、詔太宰府、出穀三萬八千七百
 餘石、給管内患炮瘡者、冬十月二日己未、地
 震、虹見於太政官廳前、十六日癸酉、免安藝
 佐伯山縣沙田三郡今年徭役、十一月十三
 日己亥、地震、十二月八日甲子、以陰陽寮奏

氣、
 今諸國郡及國分二寺、據陰陽法、每年鎮害

齊衡元年甲戌、春正月丙戌朔、以泥濘、停朝
 賀、十七日壬寅、停大射、十八日癸卯、停賭射、
 二十八日癸丑、覲於中宮、二月十三日戊辰、
 詔大和修灌頂經法、以禳災疫、十五日庚午、
 以尾張河溢、詔復課口三分之一、二十日乙
 亥、遣使賑丹後飢民、三月二十三日丁未、以
 不動稻三萬五千束賑石見飢民、是春天寒、

隕霜夏四月三日丁巳分遣僧於七道諸國
名神社轉讀大般若經以祈民福十三日丁
卯天皇移自梨下院御冷然院二十六日庚
辰尊皇太后曰太皇太后皇太夫人曰皇太
后肥前豐後窮民九千餘人給復一年二十
八日壬午陸奧奏去年不登百姓困窮兵士
逃亡已乏屯戍今虎狼之徒爭事強盜逆亂
之萌近在目前請發兵二千以備不虞敕許
一千五月五日戊子停騎射走馬十五日戊

戌敕陸奧以穀一萬石賑給俘夷十七日庚
子地震是月甚寒山北微雪六月十三日丙
寅左大臣兼左近衛大將源常薨癸未晦地
震秋七月甲申朔日有食之二十三日丙午
石見言醴泉出三日涸二十七日庚戌遣使
大神宮豫鎮風雨是日大風雨洪水八月癸
丑朔地震二十八日庚辰右大臣右近衛大
將藤原良房轉左近衛大將大納言源信兼
右近衛大將九月二十日壬寅地震二十三

日乙巳大納言源信罷右近衛大將大納言以下公

卿補任大納言藤原良相兼右近衛大將辛亥

晦陸奧百姓給復一年冬十一月三日甲申

地震二十二日癸卯又震辛亥晦詔曰上稽

帝載下酌皇流莫不鍾靈貺以開元割神符

以改號者近來石見國上醴泉味寫濁醪狀

凝芳醴朕之不德何敢當之蓋是宗社降靈

俊又在官之所致豈其為身有顛辭乎有司

宜擇吉日告宗社改仁壽四年為齊衡元年

授位賜物準例冀欲使曠代禎符及萬邦以

共慶隨時德政逐五帝而齊衡

二年乙亥春正月壬午朔以泥濘停朝賀十

五日丙申陸奧奏奧地俘囚殺傷同種事須

警備請加發兵二千許之十七日戊戌停大

射二十二日癸卯以京師多盜詔搜索之二

十七日戊申陸奧復請加兵二千敕曰夫邊

要之寄安危攸繫慎微慮萌理固當然今臨

農時多動士衆恐懷患役之嗟終之如歸之

志凡用兵之道未必貴多苟奮其力一以當
千宜簡拔近城兵一千人和誘其心精練其
武能守衝要以備機急又知騷擾之由發於
飢困故賜賑給料糶一萬斛不論民得務加
優恤開以恩惠慰其窮窘二月三日癸丑長
星見東北十三日癸亥備中言吉備津彥神
庫內鈴鏡一夜三鳴十七日丁卯詔右大臣
藤原良房參議春澄善繩等修國史十八日
戊辰召百僧於大極殿轉讀大般若經三月

十三日壬辰禁京畿隱首括出附帳十三日以下類

聚三十七日丙申大風雨夏四月二日庚戌

代格地震七日乙卯遣使奉幣吉備津彥神十日

戊午禁私養鷹鷄是月天寒隕霜閏月十四


日壬辰有狐走過御前天皇帝親射而獲之十

五日癸巳大雨水十九日丁酉賑給相模飢

民二十三日辛丑遣使丹生川上社祈晴是

月左右馬寮馬疫死殆盡五月五日壬子以

寮馬多斃停騎射走馬十日丁巳地震十一



日戊午、又震、二十三日庚午、東大寺奏、大佛
 頭自墮、六月戊寅朔、田有食之、六日癸未、震
 建禮門前柳樹、二十一日戊戌、地震、二十五
 日壬寅、又震、二十六日癸卯、敕太宰府、檢括
 浪人、申嚴延曆十六年之令、二十六日以下、類聚三代格、
 秋七月丁未朔、紀伊守紀真高獻甘露、二十
 六日壬申、地震、八月丁丑朔、又震、二日戊寅
 又震、十日丙戌、兵庫鼓自鳴、二十五日辛丑、
 地震、長門言、牛產兩頭犢、九月七日癸丑、有

狼入東宮害人、九日乙卯、地震、十日丙辰、又
 震、十一日丁巳、大雨、十九日乙丑、地震、二十
 日丙寅、又震、二十八日甲戌、命天下許施米
 錢於東大寺、乙亥晦、地震、冬十月三日戊寅、
 又震、十九日甲午、復出羽窮民一萬九千餘
 口、十一月十五日庚申、地震、十二月十二日
 丁亥、又震、
 三年丙子、春正月乙巳朔、以雨停朝賀、十七
 日辛酉、停大射、二月十八日辛卯、延一百餘

大日本史 卷二十七 本紀

僧於大極殿及冷然院分讀大般若經二十
日癸巳地震有聲如雷二十一日甲午又震
三月三日丙午雨雹二十一日甲子天皇受
兩部灌頂於僧圓仁天皇以下三代實錄貞
觀六年天台座主記歷
代皇紀月日據是月地數震京師及城南屋
舍壞佛塔傾夏四月癸酉朔地震二日甲戌
又震八日庚辰駿河言甘露降二十二日甲
午制五世王服色準諸臣辛丑晦虹見於辨
官廳前五日五日丙午停騎射走馬九日庚

戌延二百五十僧於大極殿冷然院賀茂松
尾社讀大般若經三日以禳災疫二十八日
己巳雨水六月壬申朔地震二日癸酉又震
十四日乙酉延二百六十餘僧於東西及延
曆崇福等十四寺讀新寫大藏經各三遍限
以七日秋七月辛丑朔遣使奉幣諸社祈雨
十一日辛亥越中言旱十六日丙辰地震十
七日丁巳雷雨十八日戊午地震二十日庚
申若狹言旱二十四日甲子詔試諸沙彌讀

大日本史 卷二十七 本紀

經及第者聽度、二十八日戊辰地震、八月辛未朔、特遣使神泉苑、試諸持咒有驗者聽度、七日丁丑、有虹見冷然院、八省院、太政官廳前、次日戊寅、安房言天雨黑灰、十九日己丑、狂人闕入近衛陣、射殺之、九月二十一日辛酉、地震、二十二日壬戌、讀金剛般若經於賀茂松尾社、三日、二十五日己丑、地震、冬十月、地數震、十一月庚子朔、二日辛丑、並震、三日壬寅、天皇受晉書於刑部大輔春澄善繩、十

四日癸丑、地震、十八日丁巳、御池水黑、數日復、二十二日辛酉、遣權大納言安倍安仁等於後田原山陵、告將配天、二十三日壬戌、大祓新殿、二十五日甲子、遣大納言藤原良相祀天於交野圓丘、十二月庚午朔、日有食之、十日己卯、地震、二十七日丙申、常陸言木連理、二十八日丁酉、美作獻白鹿、放之神泉苑、天安元年丁丑、春正月庚子朔、停朝賀、十七日丙辰、天皇不觀大射、是日、敕造新曆、二十

六日乙丑曲宴。○按類聚國史平城帝大同

弘仁四年正月丙子五年正月甲子八年正月

月甲子淳和帝天長八年正月壬子並有曲

宴然皆不揭子日之稱且不載其為恒例今

據本書文云昔者上月必有此事時謂之子

日態今日之宴修舊迹也其二月十九日丁

亥以右大臣藤原良房為太政大臣大納言

源信為左大臣大納言藤原良相為右大臣

二十一日己丑改元詔曰玄穹質暗效珍符

而不言皇王至公代神工而布德緬尋前載

導來尚矣朕以寡昧纘守洪基垂拱巖廊如

履冰谷勞形育物亭毒之仁未弘展敬奉天

貫徹之誠或缺不知幽顯有何感通去歲冬

中景貺荐委美作國貢白鹿一頭色均霜雪

自絕毛羣性是馴良足稱仁獸不因仙馭來

在彤庭重彼遐齡毓于靈囿常陸國上言生

連理樹二也一郡山裏兩處森然分根合幹

異體同枝或相連其間一丈餘尺或交柯之

上更挺好姿斯皆書緹史而可傳稽瑞圖而

有慶朕之菲虛非可能致唯由宗社垂祐股

肱叶贊、今欲鍾此休徵、不享獨美、施之惠澤、
徧及萬方、宜免美作常陸二國百姓當年徭
役廿日、就中瑞祥所出、重以優矜、苦田郡調、
眞壁郡庸、今年可輸者、並皆免之、復諸國今
年徭半、文武官授爵一級、天下老人賜穀、鰥
寡孤獨、不能自存者、量加賑恤、夫隨時紀號、
邦國之恒規、因瑞建元、古今之通典、宜改齊
衡四年、爲天安元年、二十八月丙申、以述子
肉親王爲齋院、是月地數震、三月七日甲辰、

延一百五十僧於冷然院新殿及大極殿、限
三日、轉讀大般若經、十六日癸丑、遣左右近
衛兵衛檢非違使、捕盜京南、十八日乙卯、遣
六衛府舍人等、捕盜平城、二十五日壬戌、遣
使京南、禁遏姦盜、夏四月十五日壬午、修百
座、仁王會、十九日丙戌、右大臣兼右近衛大
將藤原良相轉左近衛大將、大納言安倍安
仁兼右近衛大將、二十日丁亥、地震、二十三
日庚寅、復近江相坂關、新置大石龍華二關、

五月丁酉朔日有食之五日辛丑不觀騎射
八日甲辰延一百餘僧於大極殿轉讀金剛
般若經三日十一日丁未地震二十日丙辰
地震乙丑晦霖雨洪水六月二十五日庚寅
太宰府上言對馬島上縣郡擬主帳卜部川
知麻呂下縣郡擬大領直浦主等相率焚守
立野正岑宅射殺正岑及從者防人參河上
言廳院東庫震動秋七月十六日辛亥下制
太宰府宥對馬島民爲賊所誑誤及無罪死

獄者妻子十九日甲寅虹見冷然院北門東
腋是月地震數震東南西北有聲如雷八月十
四日戊寅天昏如霧十五日己卯藻壁門自
頽九月九日癸卯以旱不御南殿徹樂二十
五日己未地震冬十月八日壬申雨九日癸
酉地震十二日丙子觀御馬賜侍臣各一匹
十三日丁丑雷雨十五日己卯遠江言木連
理是日白雲竟天二十三日丁亥有女子夜
入藏殿盜服御物卽捕獲之二十四日戊子

陰陽寮漏刻鼓自鳴三十一日乙未陰
 陽寮鼓又自鳴七日庚子遠江言木連理十
 二月十八日辛巳雷二十二日乙酉又雷
 二年戊寅春正月甲午朔以雪停朝賀五日
 戊戌陰陽寮漏刻鼓自鳴十七日庚戌停大
 射十九日壬子參河言木連理二十日辛
 酉暴風大雨二月九日壬申越後言木連理
 十五日戊寅修百座仁王會十七日庚辰筑
 後高良玉垂神社火二十二日乙酉遣左近

衛少將坂上當道等率官屬搜捕京中羣盜
 閏月十三日乙巳雨雹二十四日丙辰肥後
 言菊池城院兵庫鼓自鳴二十五日丁巳又
 鳴二十八日庚申下對馬島百姓殺守立野
 正岑者於刑官鞠讞其罪三月十二日癸酉
 以深草山陵為祟遣參議藤原氏宗等祈謝
 十五日丙子令相模介滋野安成講老子莊
 子於侍從所是日召諸司能書者於常寧殿
 寫般若理趣經百卷二十三日甲申地震二

十八日己丑無雲而雷夏四月壬辰朔日有
 食之廿日癸巳以刑部大丞石川宗主大錄
 難波清宗等矯官宣作省符放免罪人佐伯
 宮人等下刺官鞫罪六日丁酉雨雹大如棊
 子九日庚子夜寶皇寺火十一日壬寅空中
 有聲如雷是日頒遣使者奉幣諸大神社以
 祈國家平安二十三日甲寅地震二十四日
 乙卯太舍人察火五月五日乙丑停騎射走
 馬十五日乙亥大水二十一日辛巳大雨二

十日丙午大雨洪水河溢橋壞東堀川水
 入冷然院左衛門陣直廬漂流左右京溺死
 者多二十六日丙戌地震無雲而雷二十七
 日丁亥有流星長一丈許是日遣使巡檢兩
 京水害二十八日戊子無雲而雷遲明有星
 入月魄中己丑晦出穀倉院穀二千斛民部
 廩院米五百斛大膳職鹽二十五斛賑給左
 右京六月七日丙申和泉言震雷壞廬舍殆
 百宇損田苗二十許町人畜死傷大木多摧

十日己亥有流星大如月色青赤經天西落
空中有聲如雷十一日庚子有白雲自艮亘
坤十二日壬寅地震二十日己酉太宰府言
五月十一日大風暴雨九國二島盡被損傷肥
後菊地城院兵庫鼓自鳴不動倉十一宇火
二十一日庚戌大霧無雲而雷大風秋七月
五日甲子武藏獻白雉十二日辛未祈雨乙
訓水主貴布禰等神十九日戊寅雨二十七
日丙戌大雨八月四日壬辰若狹言兵庫鳴

聲如鈴十九日丁未有雲竟天二十三日辛
亥天皇不豫二十四日壬子皇太子侍嘗藥
公卿大夫候陣頭是夜歲星守牽牛二十五
日癸丑親王公卿護夜東釣臺二十六日甲
寅詔曰皇天無親惟德是輔人心有隣惟惠
是懷朕以寡薄忝臨太階豈將巖廊為逸恒
以億兆為念而人澆俗薄誠淺偽深故知方
者尠趨辟者繁不能以仁義浸漉禮讓甄陶
秋典日聞於帷幄弊罪相係于園室觸網履

校既可矜傷宥過崇恩彌切心慮宜給此愷
澤暢彼眈鬱可大赦天下但常赦所不免者
不在赦限是日大漸二十七日乙卯崩於新
殿年三十二葬真原山陵殯葬之禮一如仁
明帝故事但有方相氏謚文德天皇后改陵
名曰田邑置守陵四戶世稱田邑帝貞觀二
年置國忌於西寺

改陵名以下三代實錄稱
田邑帝據神皇正統記

天皇自登極留心政事性甚明察能知人姦
專思昇平之化不好巡幸遊覽仁壽齊衡之
間頻得嘉瑞以薦陵廟至于禁網漸密憲法
頗峻官署屢聞遷除之事吏人還懷廢罷之
憂天下以比漢明帝而聖體羸病頻廢萬機
在位不長時人惜之

大日本史卷之二十七終

